



Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut danskit oqartussa qarfiinut attaveqassasut Aalborg-imi Grønlandshavn-imiit Kalaallit Nunaannut umiarsuakkut nassiussassat tamarmik hash-itaqannginersut akitsuuserisunit misissorneqartarnissaat qulakkeerumallugu aalajangersimasumik Grønlandshavn-imi akitsuuserisoqartitsilersinnaanerup siunnerfigineqarnissaa.

(Inatsisartunut ilaasortaq Steen Lyngø, Atassut)

(Siullermeenera)

Demokraatini nuannaarutigaarput aammaarluta oqallisigissagatsigu qanoq ikiaroonartumik hashimik atonerluineq pitsaaliorsinnaaneripput aamma ikiaroonartoq hashi pissutigalugu pinerlunneq akiorsinnaaneripput taamaattumik Atassummiik siunnersuut manna qujassutigaarput.

Naak akitsuuserisoqarnerup annertusinissaanut isumassarsiaq pitsaasutut isigigaluarlugu aamma ikiaroonartup haship taamatullu tassunga atatillugu pinerluttarnerup akiornissaat pitsaalluinnaraluartoq manna siunnersuut ilalersinnaanngilarput. Aningaasammi uani siunnersuummi atorneqartussatut taaneqartut atorlugit amerlanerusunik ikiaroonartumut pinerluttaalisitsisussanik atorfinitsitsisoqarsinnaavoq ilinniartitsisoqarlunilu politiini, akileraartarnermut aqutsisoqarfimmi aamma akitsuuserisoqarfimmi - ataavartumik assigiinngiartumillu akiunissamut oqartussaaffiusussami. Nunami maani tassunga ajornartorsiummut immikkut ilisimasalinnik pilersitsisoqassaaq aamma suliniuteqartartussanik aaqqissuussamik, ataqatigiissaakkamik eqaatsumillu.

Aamma aningaasat pineqartut atorlugit pilersitsisoqarsinnaavoq immikkoortortamik qularnaarniarlugu aningaasanik peqquserlutsaaliuinissaq aamma Kalaallit Nunaanni politiini pitsaasumik sullissisoqartarnissaa, immikkoortortap immikkuk ilisimasalinnik sulisoqartussap pisariillisaaqataaffigisinnaasaanik, ikiaroonartumut akiuisut pisinnaajunnaassagaluarpata imaluunniit Kalaallit Nunaanni politiini assigusumik pisoqassagaluarpat, ajornartorsiummi



tamanna akuttunngitsumik takusarparput, eqqussuisut ikiaroorntulerisullu ikiornissaat iluanaarnartuummat, nunami maani innuttaasunut inatsisinik malinnittunut ulorianartumik kinguneqarsinnaasumik, taakku ikiaroorntuarniat kikkuunerannik oqassagaluarpata nalunaarutiginnissagaluarpataluunniit.

Aamma iluaqutaassagaluarpoq nunami maani ikiaroorntumut hashimut sorsunnermi.

Aamma nunamni maani meeqqat atuarfiini tamani inuusuttullu klubbiini immikkut pitsaaliuineq ingerlanneqarsinnaavoq aningaasat pineqartut atorlugit.

Aningaasat pineqartut pitsaasumik sorpassuarnut atorneqarsinnaapput, naallu siunnersuut pitsaasutut isigaluarlutigu, ikiaroorntumut hashimut sorsunnermut atatillugu suliniutip kingunissai killeqartussaammata inassutigaarput siunnersuut itigartinneqassasoq.